



59357

III

Mag. St. Dr.

Ciekawostki Gaspardi: Quaestio astronomophysica de
cometa.

Diekmann'sche Druckerei

Quellen der Astronomiegeschichte

IN NOMINE DOMINI, AMEN.

QVÆSTIO
ASTRONOMOPHYSICA,
D E 59357
COMETA.

SUB FELICISSIMIS AUSPICIIS,
Magnifici, Perillustri, & Admodum Reuerendi Domini,

D.M. SIMONIS
STANISLAI
MAKOWSKI,

S. Theol. Licentiati & Professoris, Collegæ
Maioris, Ecclesiæ Collegiæ S. Floriani
CUSTODIS, Curati Nasiechouicensis, Contubernij
Hierosolymitani PROVISORIS, S.R.M. SECRETARII,
ALMÆ VNIVERSITATIS CRACOVIENSIS
Generalis & Vigilantissimi



R E C T O R I S.

A
M. GASPARO CIEKANOWSKI,
Phil. Doctore & Professore, Seniore Contubernij Gelaniani,
PRO COLLEGIO MINORI

Publicè ad Disputandum

In Peraugusto DD. Theologorum Lectorio,

PROPOSITA.

Anno Incarnatæ Sapientiæ, M. DC. LXXXI. Mense Octobri. Die, 3. Horâ, 13

CRACOVIAE, TYPIS VNIVERSITATIS.

QVÆSTIO ASTRONOMOPHYSICA DE COMETA.

V Cometæ ad obseruandum locum generatio-
nis, ad Supputandos Motus, respectu \mathcal{A} equatoris
Eclipticæ & aliorum Circulorum, ad Parallaxes,
Aspectus cum Planetis, & Stellis fixis, determinan-
dos: habeant in \mathcal{A} ethere Sphæram propriâ, nec ne?

CONCLUSIO I.

Cometæ non generantur in Cælo, sed in Suprema aëris Regione.

COROLLARIA.

- I. *Materia Cometa, est Exhalatio terra, calida & sicca, pinguis & visco-
sa, virtute Astrorum eleuata, sub concuum Sphæra ignis, & ibidem
incensa, atq; cum aëre mota.*
- II. *Magnitudini Cometae sufficiunt exhalationes terrestres.*
- III. *Cauda, Colorum & Motuum diuersitas, Duratio, saluari possunt in
Suprema aëris Regione.*
- IV. *Non tam cause effectuum, quàm signa in his inferioribus censenda
sunt Cometarum portenta.*
- V. *Ponentes, contra Aristotelis & Ptolomei Sententiam, Cometæ in Sphæ-
ris Cælestibus, superflua conari student.*

CONCLUSIO II.

Respectu \mathcal{A} equatoris Eclipticæ & aliorum Circulorum, visi &
veri motus Cometæ, certò obseruari & supputari ad multos dies
vniformiter non possunt.

COROLLARIA.

- I. *Si Cometa motus calculari in longum & latum possent, deberent esse uni-
formes; saltem mensuri; quod ab orbe condito probari nequit.*
- II. *Nulla Ephemeris regularis, quoad longitudinem & latitudinem Cometa
formari potest: quæ si formatur contingens censenda est.*
- III. *Nulli Motus, tam in longum quàm in latum Cometarum habentur,
ad rationem motus alicuius Planete, aut Stellarum fixarum, sed ali-
quando maiores, aliquando minores,*
- IV. *Sicut alij motus, ita neq; declinatio: neq; latitudo, neq; Asimuth, ad-
modum aliarum Stellarum calculari possunt.*
- V. *Cometa; quia à tot sæculis patitur summam in suis motibus irregularita-
tem, ideo magna difficultas oboritur obseruandi eundem in Astronomia.*

CONCLUSIO III.

Cometæ Parallaxes, propter magnitudinem, distantiam à superficie terræ, Refractionem incertam, & irregularitatem motus, certò inuestigari non possunt.

COROLLARIA.

- I. Suppositâ tamen Cometa, iustâ à Superficie terra distantia, & inuestigato aliquomodo Motu eius, potest calculari Parallaxis eius aërea, non tamen aetherea.
- II. Refractio sicut Solem & Stellæ attollit, iustò plus supra Horizontem: ita & Cometæ parallaxis, è contra.
- III. Distantia Cometarum à terra perperam demonstratur, absq; certò Parallaxium calculo, & aliorum Motuum determinatione.
- IV. Inuentâ Cometa Parallaxi minore lunari, non sequitur eundem esse in Regione aetherea.
- V. Tubica Observatio non varians magnitudinem Cometa non desinit certò ipsum esse aethereum.

CONCLUSIO IV.

Aspectus Cometæ, Ortus & Occalus, duratio, nequeunt peti determinatè ex tabulis Astronomicis.

COROLLARIA.


- I. Etsi Cometa cum Sole, Luna, & alijs Planetis videatur efficere quinq; aspectus, in Astronomia vsitatos: illi tamen non merentur nomen Aspectuum, sed aereæ cuiusdam illuminationis.
- II. Cometa Ortus & Occalus Cosmici Acronyci & Heliaci nequaquam prædici possunt, neq; de facto demonstrari.
- III. Nullum punctum certum dari potest in Horizonte Ortus & Occalus Cometa: sed sicut fulmina, coruscationes, ignes fatui, irides. &c. in media aeris Regione illuminantur, accenduntur, atq; certa puncta Ortus non habent: ita Cometa in Suprema aeris Regione, è nobiliori materia orti & accensi, variam atq; variam referentes Speciem, ex varijs atq; varijs punctis Cali & Horizontis motus sui initium ducunt.
- IV. Demonstratio certa non potest haberi, quot horis, quot diebus, quot Mensibus, quot Annis nec ad quantum miliarium spatium, quoad longitudinem & latitudinem Regionum, & quo tempore, sese representaturus sit Cometa Astronomicæ.
- V. Posito tamen Cometâ in Suprema aeris Regione, & datâ eius maiori distantia à terra 25 Milliaribus, poterit Cometa videri plusquàm unâ horâ, durationisq; sue institui calculus.

CONCLUSIO V.

Præter Primum Mobile, Cælum Cryſtallinum, Octauam, & Septem Planetarum Sphæras, non datur diſtincta Cometæ Sphæra, in Regione æthera.

C O R O L L A R I A.

- I. Cometa neq^{ue} Excentricos & Concentricos, neq^{ue} Epicyclos admittunt.
- II. In nullis Axibus Poliq^{ue}: Videlicet neq^{ue} in axe & polis A quatoris, neq^{ue} in axe & polis Zodiaci, neq^{ue} in proprio mouetur Cometa per se.
- III. Licet tam SSS. quam contra SS. Cometa mouetur, hoc tamen fit non ratione proprij, alicuius Orbis, sed per Accidens, s. ad motum aeris, primi mobilis & secundorum mobilium.
- IV. Neq^{ue} A quator, neq^{ue} Zodiacus, neq^{ue} Coluri aut alij Circuli regularitatem Cometa, possunt determinare, eò modo, quò terminant corporum æthereorum.
- V. Theoria penitus nulla regularis, delineari potest, ad saluandam Cometae reuolutionem in Cælo.



A. centrum
mundi.
B. C. D. Cir-
culus magn^o
E. F. D. Sphæ-
ra æris. H.
I. K. Superfi-
cies terræ.
M. Cometa
locus: N. M.
O. Angulus
Parallaxeos
N. O. Arcus
Parallaxeos

Soli DEO Honor & Gloria.



Permissu Magnifici Domini Rectoris.



Biblioteka Jagiellońska



stdr0016956

